

Sur le Sacre, & Aduenement, de Henry III.  
Roy de France, & de Poloigne.

HENRY, France, Poloigne, aymé, paisible, heureuse,  
Regnant, s'humiliant, entretenant son heur,  
Maistrise, refleurit, honnore son Seigneur,  
En triomphe, en renom, en ioye desirouse.

Deia ses faitz, son los, sa Prouince ioyeuse,  
A ce Sacre, à ce regne, à ce tresgrand honneur,  
Iouyssent de la pompe, hauteesse, gouuerneur,  
Qui la suit, la maintient, la rend ambicieuse.

Son merite, son droit, sa franche Election,  
De sa vertu, nature, honneste affection,  
Donne assurance à tous, se s'leue, ne se sloigne.

Sans mécontantement, sans trouble, sans fierté,  
Puisse donc en douceur, en paix, en liberté,  
Regner, viure, obeyr, Henry, France, Poloigne.

Sur le Mariage du Roy, & de Loyse  
de Lorraine.

VOICY le iour heurus auquel ce grand Henry  
Digne encor de porter és mains la Pomme ronde,  
Espouse vne Deesse, vne Venus seconde :  
Qu'en liesse, & bonheur, les Graces ont nourry.

Ma France, estouy toy ! ce Monarque chenry,  
Non moins que redouté de tous peuples du monde :  
D'honneurs, & de Lauriers, te rendra si seconde,  
Qu'il foulera le nom d'un Cesar aguerry.

Tandis voy d'un bon œil & la Nopce, & la Feste,  
De la Couple amoureuse : & plus gaye t'apreste,  
Pour recueillir ta Royne en pompeus appareil.